

佛說大灌頂神呪經卷第一

卷一

恭一

東晉西域三藏帛尸梨蜜多羅譯

灌頂三歸五戒帶佩護身呪經第一
聞如是一時佛在舍衛國祇樹給孤獨園時
與十二百五十比丘菩薩萬人天龍八部悉
來在會咸然一心叉手聽法

卷一

於是異道有鹿頭梵志來到佛所稽首作禮
胡跪合掌白佛言父聞瞿曇名聲遠振今欲
捨置異學受三自歸并五戒法
佛言善哉善哉梵志汝能捨置餘道歸命我
者當自悔過生死之罪其功無量不可稱計
梵志言諾受教即淨身口意復作是念唯願

世尊施我法戒終身奉行不敢毀缺佛言是
爲如來至真等正覺三世諸佛說是戒法佛
言梵志諦聽諦受心持念之又言梵志盡形
壽歸命諸佛無上尊盡形壽歸命法離欲尊
盡形壽歸命僧衆中尊
佛言梵志以三自歸竟是爲真正弟子不爲

邪惡所干燒也佛告梵志汝能一心受三自
歸已我當爲汝及十方人勑天帝釋所遣諸
鬼神以護男子女人等輩受三歸者
梵志因問佛言_駒是也願欲聞之開化十方
諸受歸者佛言如是
灌頂善神今當爲汝略說三十六神

四天上遣神名彌栗頭不羅婆_{漢言}主疾病
四天上遣神名彌栗頭婆_{漢言}主頭痛
四天上遣神名彌栗頭婆_{漢言}主寒熱
四天上遣神名彌栗頭抗陀羅_{漢言}主腹滿
四天上遣神名彌栗頭阿婁_{漢言}主癱瘓
四天上遣神名彌栗頭阿婁_{漢言}主癲狂
四天上遣神名彌栗頭伽婆_{漢言}主愚癡
四天上遣神名彌栗頭悉抵哆_{漢言}主瞋恚
四天上遣神名彌栗頭菩提薩_{漢言}主婬慾
四天上遣神名彌栗頭提波羅_{漢言}主邪鬼
四天上遣神名彌栗頭呵娑帝_{漢言}主傷亡
四天上遣神名彌栗頭不若羅_{漢言}主塚墓

四天上遣神名彌栗頭苾闍伽
漢言善術主四方
四天上遣神名彌栗頭伽隸婆
漢言善帝主怨家
四天上遣神名彌栗頭羅闍遮
漢言善主主偷盜
四天上遣神名彌栗頭修乾陀
漢言善香主債主
四天上遣神名彌栗頭檀那波
漢言善施主劫賊
四天上遣神名彌栗頭支多那
漢言善意主疫毒

恭一

四天上遣神名彌栗頭羅婆那
漢言善吉主五溫
四天上遣神名彌栗頭鉢婆駄
漢言善山主蜚尸
四天上遣神名彌栗頭三摩陀
漢言善調主注連
四天上遣神名彌栗頭戾禘駄
漢言善備主注復
四天上遣神名彌栗頭波利陀
漢言善敬主相引
四天上遣神名彌栗頭波利那
漢言善淨主惡黨

佛語梵志是爲三十六部神王此諸善神凡有萬億恒沙鬼神以爲眷屬陰相番代以護男子女人等輩受三歸者當書神王名字帶在身上行來出入無所畏也辟除邪惡消滅不善梵志言諾唯在天中天梵志又白佛言世尊以賜三自歸法天帝遣善神三十六大

恭一

三

王護助我身已蒙世尊哀愍救度今更頂禮請受法戒佛言善哉梵志汝當淨身口意懇惻至心敬受法戒

佛言十方三世如來至真等正覺皆由三歸五戒得之

佛言梵志盡形壽不殺生不教他殺是戒能

持不若能持者有五神王隨逐護汝身不令
邪神惡鬼之所得便梵志盡形壽不盜他人
財寶不教他行盜是戒能持不若能持者有
五善神王隨逐護汝身梵志盡形壽不邪姪
是戒能持不若能持者有五神王隨逐護汝
身衆魔皆不得便梵志盡形壽不妄言綺語

兩舌闖亂是戒能持不若能持者有五神王
隨逐護汝身梵志盡形壽不飲穀酒甘蔗酒
蒲萄酒能放逸酒如是酒皆不得飲是戒能
持不若能持者有五善神隨逐護汝身
佛語梵志是爲三歸五戒法也汝善持之勿
有毀犯說已梵志因白佛言世尊世尊說言

若持五戒者有二十五善神營衛護人身在
人左右守於宮宅門戶之上使萬事吉祥唯
願世尊爲我說之
佛言梵志我今略演勑天帝釋使四天王遣
諸善神營護汝身如是章句善神名字二十
五王其號如是

神名察芻毗愈他尼 王護某身辟除邪惡
神名輸多利輸陀尼 王護某身六情悉令
完具 神名毗婁遮那波 王護某腹內五
藏平調 神名阿陀龍摩祇 王護某血脉
悉令通暢 神名婆羅桓尼和婆 王護某
指無所毀傷

神名祇摩阿毗婆默 王護某出入行來安
寧 神名阿脩輸婆羅陀 王護某所敢飲
食香甘 神名婆羅摩宣雄雌 王護某夢
安覺歡悅 神名波羅門地鞞哆 王護某
不爲蠱毒所中 神名那摩吁多耶舍 主
護某不爲霧露惡所害

恭一

四

神名佛馱仙陀婁多 主護某闔諭口舌不
行 神名鞞闍耶敷多婆 主護某不爲溫
瘡惡鬼所持 神名涅祇醯駄哆耶 主護
某不爲縣官所得 神名阿邏多賴都耶
主護某舍宅四方遂凶殃 神名波羅那佛
曩 主護某平定舍宅八神

神名阿提梵者珊瑚耶 主護某不爲塚墓鬼所燒 神名因臺羅因臺羅 主護某門戶辟除邪惡 神名阿伽嵐施婆多 主護某不爲外鬼神所害 神名佛曇彌摩多哆主護某不爲灾火所延 神名多頰又三密陀 主護某不爲偷盜所侵

神名阿摩羅斯兜嘻 主護某若入山林不爲虎狼所害 神名那羅門闍兜帝 主護某不爲傷亡所燒 神名薩鞞尼乾那波主護某除諸鳥鳴狐鳴 神名茶鞞闍毗舍羅 主護某除大鼠變怪 神名伽摩毗那闍尼怯 主護某不爲凶注所牽

佛告梵志言若男子女人帶佩此二十五灌頂章句善神名者若入軍陣鬪諍之時刀不傷身箭射不入鬼神羅刹終不燒近若到蠱道家亦不能害若行來出入有小魔鬼亦不得近

帶佩此神王名者晝夜無惡夢縣官盜賊水

火灾怪怨家陰謀口舌鬭亂自然歡喜兩作和解俱生慈心惡意悉滅妖魅魍魎邪忤荔蘚外道符呪獸禱之者樹木精魅百蟲精魅鳥獸精魅溪谷精魅門中鬼神戶中鬼神井龜鬼神洿池鬼神廁溷中鬼一切鬼神皆不得留住某甲身中

若男子女人帶此三歸五戒善神名字者若入山陵溪谷曠路抄賊自然不現師子虎狼熊羆蛇蛻悉自縮藏不害人也

佛告梵志昔迦羅柰大國有婆羅門子名曰執持富貴大姓不奉三寶事九十五種之道以求福祐久久之後聞其國中有賢善長者

盡奉佛法聖僧化導皆得富貴長壽安隱又能度脫生老病死受法無窮今世後世不入三惡道中

執持長者作是念言不如捨置餘道奉敬三寶即便詣佛以頭面著地爲佛作禮長跪白

佛言世尊我本愚癡無所識知久聞三寶不

能奉事我於今日始得信解佛法大慈普濟

天下我今欲捨置餘道歸命於佛惟願天尊

哀愍我等得受法戒爲清信士

佛言汝善思量之也然人能止惡爲善者何
憂不得安隱富貴壽命延長解脫衆難者乎
執持白佛言今我以所事非真故歸命於佛

耳當哀愍我故去濁穢之行受佛清淨決言
佛語執持汝審能爾者可禮敬三寶執持長
者即便胡跪合掌佛於是與受三歸已歸三
寶竟當有三十六善神王隨逐護汝身

佛告執持言善男子汝能遠惡求善知識世
之希有我當更授汝五戒之法

佛言第一不殺第二不盜第三不邪淫第四
不兩舌惡口妄言綺語第五不飲酒長者執
持已受三歸及五戒竟

佛語長者汝能持是歸戒遊行之處可無所
畏戒神二十五歸神有三十六常隨護汝外
諸惡魔無敢當者長者從受歸佛戒竟佛爲

說法歡喜信解禮佛而去

於是以後長者執持到他國中見人殺生盜
人財物見好色女貪愛戀之見人好惡便論
道之見飲酒者便欲追之心意如是無一時
定便自念言悔從佛受三歸五戒重誓之法
作如是念我當還佛三歸五戒之法即詣佛
所而白佛言前受三歸五戒法多所禁制不
得復從本意所作今自思惟欲罷不能事佛
可爾以不何以故佛法尊重非凡類所事當
可還法戒不乎

佛默然不應言猶未絕口中便有自然鬼神
持鐵椎拍長者頭者復有鬼神解脫其衣裳
者復有鬼神以鐵鉤就其口中曳取其舌者
有姪女鬼以刀探割其陰者又有鬼神烊銅
沃其口中者前後左右有諸鬼神競來分裂
取其血肉而噉食之

長者執持恐怖戰掉無所歸投面如土色又
有自然之火焚燒其身求生不得求死不得

諸鬼神輩急持長者不令得動

佛見如是哀愍念之因問長者汝今當復云
何畏者口噤不能復言但得舉手自擣而已
從佛求哀

佛便以威神救度長者諸鬼神王見佛世尊
以威神力救度長者各各住立一面

恭一

七

長者於是小得蘇息便起叩頭前白佛言我
身中有是五賊擊我入三惡道中坐欲作罪
違負所受願佛哀我

佛言汝自心口所爲當咎阿誰長者白佛我
從今日改往修來奉受三歸及五戒法持月
六齋歲三長齋燒香散華懸雜旛蓋供事三

寶從今以去不敢復犯破歸戒法

佛言如汝今所言者是爲大善汝今眼所見
身所更自作自得非天授與

佛語長者汝今受是三歸五戒莫復如前受
歸戒法也破是歸戒名爲再犯若三犯者爲
五官所得便輔王小臣都錄監司五官使者

之所得便收神錄命皆依本罪是故我說是
言令清信士女勸受歸戒歸有三十六鬼神
之王隨逐護助戒有二十五神營護左右門
戶之上辟除凶惡六天之上天帝所遣歸戒
之神凡有億億恒沙之數諸鬼神王番代擁
護不令衰耗諸天歡喜皆言善哉當共護之

如是持戒若完具者十方現在無量諸佛菩
薩羅漢皆共稱歎是清信士女臨命終時佛
皆分身而往迎之不使持戒男子女人墮惡
道中若飛羸者當益作福德布施持戒忍辱
精進一心智慧然燈燒香散雜色華懸繒旛
蓋歌詠讚歎恭敬禮拜益持齋戒亦得過度
病耗亂其家起諸病痛遂致喪亡財物不聚
所向不偶死後還墮地獄之中雖戒具足不
持六齋猶華樹無果婦人不產種穀不滋治

生無利折耗失本更無衣幘不持齋戒無利
如是

佛言長者人犯所受破是歸戒凡爲天上二百七十神王之所得便更非外魔所得便也此諸鬼神視人善惡若持禁戒不毀犯者開人心意示人善惡人若不善便爲作害疏記

恭一

八

善惡奏上天王大王執持隨罪輕重盡其壽

命如法苦治不令有怨使破戒者甘心受之

佛告梵志長者執持捨彼異道於我法中受持歸戒心不安定而復破犯遂爲鬼神之所得便受諸苦痛今自悔責求哀懺謝改更修

善作諸福德滅諸惡海今皆得道合家大小

宗族之中見長者執持罪福報應悉從我受三歸五戒堅持不犯皆得法眼我今於此會中廣說長者宿命因緣明驗罪福亦於後世廣宣流布使得聞知

佛語梵志若有清信士清信女若爲邪神惡鬼所得便者若橫爲縣官所羅盜賊剥奪遇

大疾病厄難之日當洗浴身體男子著單衣白拾女當素衣澡漱口齒七日七夜長齋菜食敷好高座縣繡幡蓋香斗灑地燒栴檀香一日七轉讚詠此灌頂大章句經如是妙典至真祕藏消滅一切無量灾變

梵志白佛言天中天已爲我故及十方衆生

說三歸五戒鬼神名竟若男子女人欲受歸戒者當云何授與

佛言若人欲受先禮十方佛長跪叉手作如是言我弟子某甲盡形壽受三歸五戒諸佛菩薩真人聖衆哀念我等

梵志又問受歸戒法有差別不佛言無差別

恭一

九

也若人受者先當列三歸五戒之法然後以神王名字著歸戒下以好素帛書持此神王名字帶持而行當燒香禮敬十方佛當取

月八日七日持齋

若欲行來常著身上若著頂上若著臂前若惡魔相逢無不除却

若男子女人著此三歸五戒善鬼神王名字
之時若入神祠是諸邪神悉皆驚起爲其人
作禮何以故此人帶持諸佛所說三歸五戒
神名字故

佛語梵志此歸戒鬼神名字至尊至重
諸佛護念汝好宣行之

佛說如是阿難從座而起前白佛言演說此
法當何名之

佛告阿難是經名爲灌頂章句歸戒帶佩佛
說是經竟四衆人民天龍八部一切鬼神皆
大歡喜作禮奉行

佛說大灌頂神呪經卷第一

恭一

祇 音池
禘 音地
亶 多罕
切 禁
渠 飲
切

捨 胡甲
劫 脛
知勇切